



TAANGANIK, HIGAAQLUKNIK AALLANIKLU HAVAUTINIK

PIDJUTAA

1. Nunavut Kavamatkut (GN) havaktut pipkaijumanikkut aanniaqtailinirnun aanniqtailinirnunlu havaktimikni. Pijumana GN-kunni aulapkainikkun aanniqnaittumik nakuujumiklu havakvingni huli pipkainikkullu inuit pidjutijaujun ihuaqtumik ihumagittiarnikkut pidjutinik. Havakti aangajaaqtuq qujaginnanin havautinin hulaqtijun nakuuninginnik havaktaaqnikkut pidjutijuuq qajangnaqtumik pinahuquuqnrinik inminun aanniaqtailidjutimiknun qajangnaidjutimiknulu ukunungalu aanniaqtailidjutinik qajangnaidjutiniklu aallanun.
2. GN-kut ilitarihimajaa una hunanik atuqnikkut ihuangidjutimik taimaittuq aanniaqnikkut pidjuti taapkuat ajuittuq ukuallu/ukualluunniit laisqaqtun Taaktiit hanaqidjutigivaktait. GN-kut ikajuqpaqtait havaktimiknik pipkainikkut hiamitilimaittunik qaujiharnirnik, uqaudjinirnik, hanaqidjutinik kinguagullu-munarinnikkut hulidjutinik. Havakti piqaqtuq hunanik atuqnikkut ihuangidjutimik akhuuqtauqpiqaqtuq qinirhialuni ikayurutikhaminik. Taimaatun hunanik atuqnikkut ihuangidjuti hulaqutaukpat havaktiup havagutainnun, havaktiup ihumaliuqnia qinirhianikkut havauhijutikhanik pidjutilimaittuq havaakhaiqtittinikkut.

INUIT PITQUHIINNIK UPPIRIJAINNIK (ISV) HIVULLIURUTIGIJAIT

3. Una hivulluuruti hivulliuqtaujuq hapkunanga ISV hivulluurutinik:
 - **Inuuqatigiittiarniq:** Ihumagittiarniq aallanun, piqatigiiknirnun munarinikkullu inungnik - GN-kut ikajurniaqtait havaktimiknik taapkuat ajurhautiqaqtuq hunanik atuqnikkut ihuangidjutinik;
 - **Tunnganarniq:** Pipkainikkut nakuujunik pidjutinik taimainikkut irhinaittumik, tunngahuktinikkut ilaupkainikkullu - tuninikkut ikajurnirnik havaktimun piqaqtumik hunanik atuqnikkut ihuangidjutimik pijukhaq munarittiarnikkut pipkainikkut havaktimik pininganik hanaqidjutikhanik ihariagijaujunik mamittaangani; uumanilu
 - **Pijittirniq:** Kivaqnikkut pikhaqaqtipkainikkullu ilamiknun uvungalu/uvungaluunniit nunallaamun - una hivulluuruti tunivaktuuq ilitturipkaidjutinik hivulluurutiniklu tamainnun havaktinun pipakinikkut kangiqhihimanikkut niriuktauninginnik mighaagun aturnikkut qujainnanik havautinik havaktilluni GN-kunni. Una ikajuutaujuq havaktinun pipkaqhugit aulahimmaaqnikkut havagutimiknik munarijamikniklu tuninikkut pinahuarutinik hulidjutiniklu Nunavunmiunnun qajangnaittumik ihumagittiaqniqaqtumiklu pidjutimik.

ATURUTI



4. Una hivulluuruti aturutiaqtuq tamainnun havaktiinnun GN-kunni piutinginnilu kavamatkunni timiqutainni. Una hivulluuruti aturutiaqtuq qujaginnanun kaatraaktiujunun havaktut pidjutigiplugit GN-kut.

TUKIHIDJUTIT

5. **Ikajurnikkut Qanuriliurutit** tukiqaqtuq hulidjuti ikajurnikkut tadjami, takijumik hivituniqaqtumik piraanginnaqtuqaqtumikluunniit pilimairutimik havaktimi havagiami ilanginnik tamainnikluunniit havaakkut havaktakhamiknik.
6. **Taanngat** tukiqaqtuq qujaginnaq taanngaujunik, hakugiktunik taannganik, wainik, immiuraqnik, malt-nik aallanikluunniit imingaknaqtunik iminik ukuningaluunniit avuqhimajunik iminik, qujaginnat avuqhimajut imiit, ilanga taanngaujunik, hakugiktunik taannganik, wainik, immiuraqnik, malt-nik aallanikluunniit imingaknaqtunik, bianik wainiklu.
7. **Higaaquuuti** pidjutainnun uumunga hivulluurutimun taamnaujuq qujaginnaq ilanga uuma higaaquuutiup nauttiangani, hunaujumi avuqtauhimajumiluunniit ilaqaqtuq higaaquutimik qujaginnamikluunniit hunamik aajjikkiikniqaqtuq talvunga avuutainnun pidjutit ilaujun higaaquutini. Aallanik ilitturipkaidjutinik taapkunani naunaijaqpiqhimaajuni piqutainni taimaatun maligakkut tukihidjutiujun Higaaquutinin takulugu una *Higaaquutini Maligaq*.
8. **Higaaquutini Piqutait** ilaqaqtaqtun kihimi kikliqangillutik higaakhanik imuurutininluunniit, tigummidjutit, paipait, imaqtuqtut paipait, hiluqidjutit ukuallu imaqtuutit atuqtauvaktun hiluqtuinnikkut higaaquutinin hunaluunniit atuqtauvaktuq piliurninik higaaquutinin ukunungalu pidjutainnun uumani hivulluurutimi, pihimajun naunaittumik higaaquutini tupaarutaanik.
9. **Havautit**, pidjutainnun uumani hivulluurutimi, taapkuangujun hunat iijauvaktun uvinikkulluunniit atuqtauvaktun, nirijauvaktun, higaaquavaktun qanuqluunniit atuqtauvaktun taapkuat pilluaqtipkaidjutint havaktimun havagiami havaaqmiknik qajangnaittumik havakpiaqnikkullu. Havautit ilaqaqtun kihimi kikliqangittun ukunungainnarnun, taanganun, higaaquutinin, ihuinaarutiqaqtun havautit, qujaginnait havautit aallanikluunniit aangajaaqtarutiqaqtunik hunanik, aturniit pidjutiqarungnarhijuq aallanguqtirinnikkut ihuittumikluunniit hulaqutijaaqtuq inungmik qanuqtun ihumanganik, mihingnarutainnik ilumut hulidjutainnikluunniit.
10. **Naammakniq Havaakhanun/Havagiami** pidjutainnun uumani hivulluurutimi tukiqaqtuq pijaaqtuq qajangnaittumik nakuujumiklu havaktaaqtuq havaqujahimajunik munarijamiklu kiklikhaqangilluni talvanga atuqhimanirnin kinguagulluunniit hulaqutainnin taanganin, higaaquutinin aallaninluunniit havautinin.



11. **GN-kunni Havakvik** ukuangujun tamaita GN-kunni havakviit, igluqpait haniqpailu init tahamani havakti havaktuq havangniaqtuqluunniit havagutikkut GN-kut. Una ilaqaqtuq, kihimi kikliqangittuq ukununga, tamainnin havaknikkut iniit, katimajaqtuqviit, iliharviit, katimarjuarviit miitirviit igluat, nanminirijaujun havakviit, qunmuutiviit, pihukviit iglumi, aanniarviit, nirijaqtuqviit, havaktini ikhivajaqtuqviit, tunmirautaqaarviit, quujaqtuqviit, GN-nanminirijait atuqtailluunniit akhaluutin, tutquumaviit tamajaqarviilluunniit ukuallu tamaita ukuaqtaaqatun GN-kunni igluqpait.
12. **Aanniaqnikkun Munarinikkut Ikayuqti** taaktiujug, munaqhiujug, timimi- iqaijaqhajiujuq, ubluq-tamaat auladjutaujuni iqaijaqhajiujuq aallalluunniit laisqaqtuq aanniaqnikkut munarinikkut ajuittun.
13. **Aangajaaqtuq Imingaktuqluunniit** tukiqaqtuq pilimaiqtuq qajangnaittumik, pittiaqtaaqtumik nakuujumikluunniit havakluni havaktakhanik munarijanikluunniit pidjutijug uumannga hunanik atuqnikkut ihuangidjutimin, ukuat kinguagun hulaqutit havautinin atuqnirnik taimaaluunniit ittuq hulaqutaanin taanganin, higaaqluutinin aallaninluunniit havautinin.
14. **Hunanik atuqnikkut ihuangidjutinik** tukiqaqtuq ihuirutivaktumin taimailuqattaqnikkut atuqnirmin taanganik, higaaqluutinin aallaninluunniit havautinin hulaqutipkaivaktuq aangajaaqnikkut ubluq tamaat inuuhirmi tautungnaqtunikluunniit ajurhalirnirmik. Hunanik atuqnikkut ihuangidjutinik pivaktun atuqattaqnirmin taanganik ukuningalu/ukuningaluunniit havautinik timikkut hulijaarnikkullu angijunik pillualimairutinik, imaakiaq aannialaqinikkut, ajurutiqalirnikkut pilimaiqnikkullu angijunik munarijakhnik havakvikmi aihimavikmiluunniit.

ATURUTIKHAT

15. Havaktun niriuktaujun havagutigijakhat havaatik qajangnaittumik taimaatun maligutiqaqtun piliuqtauhimajunik GN-kunni havagutai maliklugillu ukuat Nunavunmi Kavamatkunni Havaktiinni Maligutikhaq Uppirijainni Ihuaqtuutininilu.
16. Qanuqliqaak pijukhaungittuq havakti havaktukhaungittuq pidjutigiplugu GN-kut hulaqutihimaluni taanganin, higaaqluutinin aallaninluunniit havautinin pillualimairutigijain pittaaqnirnik havaknikkut pittaaqnikkullu hulijaamik havakvikmi. Una ilaqaqtuq tamainnik naunaijaqtauhimajunik havaktakhat, tamaita hivajaqtaugaangat havaktakhat havaqujaujun qujaginnanilu qanurittuni ikajuqnikkut havaktakhat havaktaujun pidjutigiplugu GN-kut.
17. Atuqlungnia taaktinin/angiqtauhijajunik havautinik pijukhaungittuq havaktilluni pidjutigiplugu GN-kut. Atuqlungnia havautinik taimaittuq pijumapluni atuqtuq taaktinin/angiqtauhijajunik havautinik taimaatut pidjutigingitaani taimaalu/taimaaluunniit pidjutittaaqtuq qajangnarhittaaqtunik aanniaqnainninginnun aanniqnainninginnunluunniit havaktimun aallanunluunniit.
18. Atanngujat ihuaqtunik hulijukhat taimaatun havaktiup hunanik atuqnikkut ihuangidjuti/atuqniq taanganik, higaaqluutinin aallanikluunniit havautinik

